

賜

綺

堂

集

賜綺堂集卷二詩目

聖駕六巡江浙恭紀

謹序

甲辰閏三月初十日與江蘇安徽江西三省

召試與取人員赴江寧 行在叩謝

天恩恭紀

聞歌贈潘生

子夜四時歌四首

折楊柳

梁家水閣觀白牡丹

落花篇

獵人行

送王鐵夫攜家北行六首

趙約亭以所藏沙才小影乞題四首

寄陳筠樵

得鐵夫客塞上書並答見懷之作

楊莊渡河

東昭信伯李公二首

都門喜晤王聽夫

翼孫

卽送其出塞

將之山右與沈蕢漁廣文吳用齋上舍聯騎出

京二首

偕何雲蘆登熨斗臺

魏伶歌

有序

觀瀾亭題壁

謁介子祠

接漢翹十弟家書

九日登翠屏峯放歌

訪王耘圃

宗環

於韓侯嶺下止宿山齋讀其石

壇詩鈔題贈二首

淮陰侯墓

嘉平寒夜寄耘圃四首

霍南歲暮六首

採蓮曲二首

鐵花道人以隨身所具求題八首

布衣

籜冠

芒鞋

棉絲

機拂

壺盧

瘿瓢

桃珠

中州道中二首

岳麓碑

賜綺堂集卷二

吳苑 詹應甲 鱗飛

詩

聖駕六巡江浙恭紀

謹序

乾隆四十有九年春正月

皇上俯順吏民請 詔舉南巡東南士庶際 昌期沐

闕澤含醇飲和得望見 穆穆之光至是而  
六躋躍懽忭雲彌雷動欽惟我

皇上夙夜基

命宥密仰惟

前人光是法是則懿昔

聖祖仁皇帝時巡南國 德厚溥於民物民至今謳思

弗忘

皇上丕承 謨烈 翠華五臨乘陽布令小大悅懌上

年秋四 幸 盛京祇謁

三陵禮成告

廟茲復以河海成勞東南望 幸六巡江浙 嘉惠滂

流 隆儀備舉於以對

天庥答 靈貺 入疆行慶與父老子弟相見慰勞

功德紹乎



加

宗 膏澤洽乎黎庶 屬車九九甘雨偕來猗歟茂哉

鉅典式彰 鴻猷允塞誠足軼披圖刻玉而

上已小臣鼓篋膠庠躬被 恩化其敢不殫

竭愚忱敷陳 盛美於萬 敬成四言詩一

章凡百韻謹拜手稽首以獻

皇帝御宇錫福建極久道化成萬邦作式敬

天法

祖所其無逸四十九年有如一日巍巍文德風同道一  
包羅四庫雲蒸霞蔚 詔俾多士傳抄誦習斗牛之墟

光燭東壁濯濯 武功震彼絕域人力所通罔有不率  
金川蕩平干戈載戢 聲教所至漸被暨訖朝鮮外藩  
忠貞倍切 奎章御賜嘉乃臣節園橋瑩雍海流道德  
鳩工度規議禮允協星宿西南黃金郭勒溯流窮源北  
極有石 特遣星槎務竟其迹竣事繪圖瞭如咫尺  
聖裁高深凝義獨闕於皇 時熙瑞應聯篆六字清泰  
八埏寧謐屢惟豐年民物和輯士忭於庠農服乃穡  
用飲食胥歌

帝力緊惟東南富庶莫匹襟江帶湖包吳飲越塗泥則  
壤天喬繁植瑤琨篠簜羽毛齒革廣衍沃野都邑旁觀

敬念

聖祖時巡江國敷天哀對 鴻恩洋溢我

皇衷聰 志事繼述展義觀風不遑日昃 六飛五臨

盛典攸緝亦越四載喁望 清蹕民告大吏吏封章入

皇帝曰俞咨爾百職惟民之情風箕雨畢惟民之業男

耕婦織豈惟民懷朕懷倍亟其允民請俾願各得供帳

所需度支特給朕其與民休養生息正供有額賦準出

出今其蠲除富藏里閭中河轉漕千艘玉粒今其截留

以裕民食佑舶商帆萃比如櫛俾利往來毋有阻塞

詔書南下民喜填臆頌聲雷砰懽動顏色甲辰春正太

史諏吉

帝車呈祥卿雲紉霽爰勅鹵簿珠旒鍤蒼祇抗旌  
羽林導軾衝牙錚鎗行漏抱刻千官扈從肅肅秩秩蘆  
溝月曉桑乾淙淙趙北燕南堤柳環碧巖巖泰岱日觀  
屹崕峒崕而東吳會壤接臨閼河防告成懋績宸  
謨親授宣房載塞億萬斯年頌登猶翕湖江而南金焦  
崩另經潤常郡駐吳趨邑由吳達越繡壤邇密中壘安  
瀾相度咸悉載莅金陵吉行五十浙水東西大江南  
北吏民歡迎覓趨鵲立觀省所屆慶賞均及考績察  
吏特晉階級陳詩納賈定日同律迺舉春蒐戎兵克詰

八陣六花躡蹕奮捷迺蒸髦秀芄芄樸械給札雲階鷄  
鷩按翼亞旅熙熙出耕於隰幼穉愉愉入舞于室龐眉  
耆耆拜 賜粟帛協氣旁達不遺一物 仁敷惠流  
恩翔風洽擊壤小民謳吟路側謂

天子聖繼序不忒 駿烈 神謨是法是則謂

天子聖厥中允執設教觀民丕宣 綸綍謂

天子聖民隱軫恤乂我身家省我黍稷謂

天子聖文明濟哲知水仁山輝煌 御筆從茲時邁萬

有千億煥諸 冊府丹文綠牒爍乎皇哉懿不可測草

莽微臣 菲才寡識沐浴 大化懽呀嘒嘒跪迎 鑾輿

仰謨

帝澤

甲辰閏三月初十日與江蘇安徽江西三省

召試與取人員赴江寧行在叩謝

天恩恭紀

三山晴日靄宮牆魚鱗晨開拜建章楊柳春旂雙鳳翥  
桃花曉蓋六龍驤豪抽殿上風雲護衣賜天邊雨露  
香何幸草茆聲籍甚奏名一例列駕行

聞歌贈潘生

昔聞逸客朱振吾握扇一曲傾東吳暮聲記韻數百輩

嗣美只推孫與徐

孫卿字徐君鑑

蘭陵潘子擅音律喉舌明婉

天生殊未經明師已卓絕初得授訣能超逾峻聲圓融  
下聲細慢節密緻促節紆道字分音不疑似收攝轉應  
爭斯須等閒絃管莫敢和獨擊文竹成清飲鸞鶴靜吟  
瑤島月驪龍旋吐金盤珠子晉攬衣下綏嶺弄玉珎佩  
來雲衢一朝蜚聲翔輦下花苑引入東皇居古今元  
音在雅曲何必讀破萬卷書妙伎誰能久自秘名動當  
世方無虛他日倘歌清廟什麟鳳率舞天人愉

子夜四時調四首

妾作綠階草君如下瀨船離心怯美景同此艷陽天蝶

貪花媚日鶯愛柳搖煙望君君不來君邊無杜鵑  
綠池舒荷英照水比艷色鴛鴦忽笑人花下雙飛翼望  
君君不來紅御生蓮荷此荷也傷離中心多苦意  
霜濃烏桕葉露浥芙蓉花自作清秋色何勞近妾家望  
君君不來銀箏坐長嗟空憐有情月夜夜照窻紗  
水晶結硯池玉花洒庭步手弄衣上香夢繞門前路常  
悲君來時舟入回塘洹腸斷梅雪殘離懷未能訴

折楊柳

淥陰滿地飛絮香柳絲漸與離愁長攀枝欲折手無力  
鶯啼一聲雨花碧知君此別不可留但去何用空回頭



身遠只憑心締結莫學春條斷難接

梁家水閣觀白牡丹

穀雨花中有素王一株應許冠姚黃要從富貴求清福  
不起樓臺門豔妝梁苑春深如積雪秦淮潮落尙留香  
分明群玉山頭見乞與青蓮補樂章

落花篇

東風顛倒吹香塵千枝萬枝飛送春高樓美人遙夢醒  
背面不語霑羅巾殘紅滿徑無人掃留取餘春歌懊惱  
男兒未解惜芳菲空說王孫怨芳草

獵人行

昨日佈奔今日張羅鳥獸有時盡獵人將奈何

送王鐵夫攜家北行六首

遠客秋聲盡新詩曉夢還西風吹木葉江上見寒山蘭  
漿幾時到草堂終日閒蘇臺一枝柳黃落不禁攀

鐵筆花生管琴心月滿絃

謂墨乘夫人

山川足吟賞夫嬾總

神仙去鴈辭天末盟鷗到日邊鄉愁知未免同夢五湖  
煙

江國三千里津亭一霎過寒雲歸紫塞晴雪渡黃河冀  
北風塵壯淮南草木多豐臺正春色補屋好牽蘿

共切憐才意遭逢驚鶴羣上書彭少宰移帳李將軍記

室聲華重儒生氣節聞 朝廷需雅頌著作待淵雲

學士東南望中朝第一流

甲辰 名試紫陽學士閣卷  
擬列一等進呈當軸者抑之

感恩真有在懷刺未曾投鶴立千尋樹龍登百尺樓此  
心金石貫爲我報荊州

跡合風塵外交深忠難中所遭同命薄何計免途窮霜  
雪知心苦關河只夢通飄零舊時雨望斷北來鴻

趙約亭以所藏沙才小影乞題四首

寂寞秦淮舊紫簫水樓明月夜迢迢銀箏繞扇歸何處  
留得餘香記板橋

銀牀一角枕雲屏碧玉吹殘酒漸醒此際停聲紅燭短

東花簾外有人聽

斷絛零粉寫雙蛾喚到真真輒奈何可惜不同涼月夜  
阿荷檀板磬兒歌

三月鶯聲河上夢一匳花氣鏡中身攜歸更覓丹青手  
添寫南樓倚笛人

寄陳筠樵

青衫坐到花間雨

筠樵向寫花雨  
填詞圖扇題

紅燭燒殘扇底風各

有新詩傳本事兩家癡興問誰工

得鐵夫客塞上書並答見懷之作

布帛彈箏暗自傷酒人何處覓高陽多君立馬遶山外

落月啼烏夢對床

附來作

王芭孫 鐵夫

至性還隨結習濃  
彈箏歌酒靜從容  
繁華夢斷知應悟  
聽打城西半夜鐘

楊莊渡河

平蕪極目莽蒼蒼  
嘯咏中流託葦杭  
淮北風沙兼地白  
斗南雲漢入天黃  
虹飛健竹堤如線  
查泛桃花水亦香  
縱有馮夷張樂舞  
安瀾終古利帆檣

東昭信伯李公二首

昔從王記室曾拜李將軍  
夢入江南雨飛來冀北雲  
詩

城熊虎隊筆陣鵲驚羣往往談兵暇琴尊坐論文  
萬古關門鎮風雲護節旄天開燕塞遠山到馬蘭高磨  
盾功名壯聞笳意氣豪書生原不弱可許習弓刀

都門喜晤王聽夫

翼孫卽送其出塞

記室聲華霄漢間窓前投筆幾時還  
謁來訪舊過燕市計日從軍出薊關  
塞上水寒傷馬骨樓中月破望刀環  
玉門楊柳江南色莫賦孤城萬仞山

附和作

王翼孫聽夫

幾年懷筆雜黃間扈獮新從塞外還  
一曲琴聲風入座萬層嵐翠月當關  
詩中獨繭推金管畫裏雙文似

玉環洲亭書其亡姬好句挑燈重把玩夢隨柳色到

### 家山

將之山右與沈蕢漁廣文興用齋上舍聯騎出

### 京二首

不是看花得意人都教席帽逐風塵髣髴似河橋柳  
無復青含陌上春

東陽雖老詩懷壯季子難消劍氣豪馬上琵琶馬前酒  
好山看到太行高

### 偕何雲蘆登熨斗臺

琳宮紺宇傍城開縱轡登臨未肯回鶴觀星文環斗極

墓西卽白鶴觀遺址唐鳩山雲氣護樓臺屯堤鐵馬嘶  
貞觀虞世南題碑尙存殘照葛井金丹化劫灰翹首神娥西望處幾時靈雨自  
天來邑人記神農女於臺上禱雨輒應

魏伶歌有序

潞城魏郎小字長才舊籍蓮聲部中芒鞋草  
笠來自田間蓋伶而農者丁未西遊邂逅樂  
陽官舍爲演吳歛頗能協律因歌此贈之

魏郎家住鄆河曲日課桑麻夜種粟脫却牛衣換蜨裙  
一聲唱斷溪山綠溪山昨夜夢梅花官閣朝停倦客車  
銀燭兩行燒琥珀金蓮一隊開琵琶琵琶撥盡伊涼調



馬角雙聲月華照那及吳崑宛轉喉海棠枝上流鶯笑  
流鶯百轉惱人腸飛入屏山影亦香吳黛遠橫波淺碧  
楚腰低拂柳嬌黃柳絲裊裊春愁結脆肉哀絃幾回裂  
紫燕釵頭玉作煙紅梨花底風迴雪雪捲風花絮一堆  
綺寮全拓客停杯能翻北部成南部解說長才卽善才  
善才身向空中舞七尺珊瑚碎紅雨疑是榴裙入翠盤  
阿環扶醉嬌霓羽霓羽翩翩兩袖低低擎小盞凍頗黎  
前身蛺蝶圖中見小字枇杷樹下題題來羅帕香痕罨  
兩點眉峰春已戀應向羊車隊裡來誰從犢鼻褌中見  
一見匆匆又曲終綺羅香褪木棉風雲衣月扇麝氈上

臺笠芒鞋畎畝中芒鞋踏破千山碧釋耒登場衆聲易  
不作搔頭倚市裝沾塗洗盡燕支迹脂澤全消萬斛塵  
迷離醉眼認難真重將桃葉江邊曲驚破關山笛裡人  
關山明月鴛鴦冷醉擁桃笙呼不醒怕照青衫兩袖寒  
湘簾不捲交枝影簾影濛濛水欲波海沈細蕤夜如何  
纏頭漫數文君錦題與新詞宛宛歌宛歌休用齊絀障  
絮語生平淚花颺十二當場菊部傾自矜色藝差無向  
色藝從教奉長官傳呼日日侍清懽琴心枉說珠盈斛  
箏柱能操玉作團玉顏無端逢彼怒一朝脫籍華林部  
羅衫金釧篋中捐歸着青簑卧煙霧青簑和淚裏檀槽

偶過周郎賭曲豪紫鳳天鵝俱折裂更何人識鄭櫻桃  
櫻桃亂落如紅豆爲按陽關三疊奏別夢鳩茲落日邊  
鄉愁虎阜西風後落日西風送客船相如已是倦遊年  
侯門挾瑟知音杳我亦歸耕四畝田

余家草堂在吳中  
金閶門之四畝田

觀瀾亭題壁

汾流百折繞城回斜抱山亭面面開半壁清陰如過雨  
四時白晝總聞雷行廚近向花間設游騎新從日下來  
莫問隨文求石處碧空無際浪千堆

謁介子祠

寂寂綿山下高風尙可尋母能全子節君未鑒臣心狐

趙成功易夷齊抗志深炊煙不知處古柏自成陰

接漢翹十弟家書

孤鴻自南來分飛嘯儔侶啣蘆寫作書字字俱淒楚上  
言堂上親念兒遠行旅兒行四千里何日返鄉土愁多  
疾病軀且傍人門戶日日報平安或恐詞齟齬藉慰倚  
閨心託言身得所下言弟憶兄差池咏燕羽夙夜中腸  
摧瞻望心彌苦謂兄本豪邁處世無成腑矯俗固其真  
所往輒多阻謂兄篤友朋交遊慎所與勉爲松柏鄰弗  
許蕭艾伍古人重聞達往往出幕府典記與判官大半  
由薦舉有唐一代文卓然信千古於今俗客多碌碌何

足數牛醫與馬儉忘形到爾汝伏滔恥同呼志士重表  
虎何不歌歸來名山在環堵溪田十餘畝舊廬蔽風雨  
籬疎見草堂橋側通花鴨午枕理琴書晚飯薦雞黍怡  
然奉親懽終身謝簪組聞言三歎息展轉心如憊風塵  
困鹽車抑鬱向誰語抑掄路鬼笑落拓時流侮不惜阮  
生狂祇愛鄭公嫵彈鋏已空歌挾瑟何曾鼓夜雨夢荆  
花秋風賦鸚鵡決計歸鄉間不復縈華廬與子耦而耕  
獨行免踽踽

九日登翠屏峰放歌

靈石縣之東山有峯曰翠屏文昌閣踞其上

汾流如鼓聲隆隆振衣催我乘長風不知頃刻置身已

千仞足底湧出十二青芙蓉陰崖蕭蕭挂薜荔何年鬼  
斧向空劈蛭緣鳥度路幾盤匹馬竟破秋山碧停鞭回  
望驚心魂起扶拄杖敲雲根遠見雀鼠諸山互鉤帶一  
一羅拜其下全兒孫人煙羃歷羃林壑俯睨村墟踰城  
郭一聲清梵非人間山椒黃葉紛紛落翠屏兀立天中  
央千疊萬疊雲錦張朝光夕陰蕩空際泚茫一氣摩穹  
蒼斗爲車桂爲殿紫衣仙人授我札賜我龍賓之墨雷  
公之硯汾陰寶鼎綿上旌田晉文漢武閱世幾千百年  
我來扣石與論古石雖有靈石不語荒煙落照秋山空  
晴天忽送滿城雨故園兄弟皆詩豪黃花酌酒持霜螯

何當憑虛飛度石湖月淋漓醉墨潑洒屏風高

訪王芸圃

宗環

於韓侯嶺下止宿山齋讀其石

壇詩鈔題贈二首

我輩鍾情同吊古天涯相見各憐才短衣匹馬王孫路  
黃葉青山國士臺且聽高歌聲斫地莫辭殘醉月銜盃  
無雙聲譽都消盡誰問淮陰土一坏

山驛荒涼傍古祠墨花雪壁染淋漓相逢楚客貽蘭佩  
還乞吳儂和柳枝脫手不嫌千遍讀論心翻悔十年遲  
旗亭那得雙鬟拜莫賦黃河遠上詩

淮陰侯墓

身從勝下登壇上如此王孫未易才峻嶺軍聲皆草木  
長陵山色已蒿萊餘生不屑留侯意至死終辜漂母哀  
一樣青楓啼碧血綿田終古傍泉臺墓在介山之西南

嘉平寒夜寄耘圃四首

揮手城東日暮時一鞭歸趁影西馳長河落日圓如畫  
吟到唐賢五字詩

神鴉深樹噪黃昏半壁靈旗捲寺門我有青衫無限淚

范君酌酒吊王孫

耘圃居韓侯嶺下

一曲楊枝入畫圖駉來細馬倩人扶昌齡好賞旗亭酒  
可許雙鬟下拜無



朔風蕭瑟葉聲乾  
村郭燈昏入暮寒  
轉憶楓林新月上  
半山紅雪壓吟鞍

### 霍南歲暮六首

韓嶺鴟啼碧綿田  
火燒紅我來風絮裡  
客盡雪花中落拓  
餘長鋏飄零似短蓬  
尙留青眼在逆旅  
弔英雄

雄奇遇處蓋唐李衛公遺蹟也

吳苑桃花塢吾家  
舊草廬生徒朝負米  
弟妹夜窺書聽竹  
風三徑移蔬雪一鋤  
鄉園歸夢好南望  
渺嗟余

江國三千里天涯  
寄此身非公高月旦

眉村蔣丈時宰靈石余固依之

似我困風塵每問貂裘敝  
渾忘鶴俸貧  
倚閭懸盼久不

敢戀車茵

襖被長安道嚴寒裂短裘楚綯能譽李衡粲願依劉士

愧無雙目公真第一流雲霄勞夢寐何日報荊州

睢陽京兆

書來促余入都故及之兼報爰亭吏部

薄暮眺寒碧高城人未還殘鐘翠峰閣歸鳥冷泉關野

色淡枯樹燒痕明遠山閒皇舊時石試剔蘚苔斑

渺渺汾河曲觀瀾凍不波殘年如水逝倦客奈愁何齋

掩停雲少恣鳴落葉多他時流寓傳誰記懊儂歌

方有

志於邑乘而余已匆匆北行

採蓮曲二首

夕陽下蓮西新月上蓮東香風無遠近總在水當中  
且莫採蓮子蓮房如許深不知蓮子苦蓮子空生心  
鐵花道人以隨身所具求題八首

布衣

不遣蠶絲繞此身須知被褐可全真著來自有天風拂  
也比霓裳一樣新

籀冠

鳳尾刪來紫一叢有時櫛沐也含風朝元參到凌霄意  
絲髮都歸一貫中

芒鞋

三山五嶽早安排只有芒鞋勝鐵鞋從此脚根行處穩  
不妨曳履上雲階

棉絛

吉貝爲絳好束腰步虛聲裏御風飄佩環佩玦非吾事  
只繫丹壺與水瓢

撓拂

一握枰欄本上絛條條歸總不參差指揮到處藏塵淨  
長柄還須會把持

壺盧

一小圓通一大圓兩間靈氣隙中連誰將隻眼深窺透

妙處從來元又元

癭瓢

癭癭原從病木生盤根終賴散樗成外雖癰腫中虛淨  
滿酌寒泉可作羹

桃珠

本出東方木實中金光轉處得圓通九還七返非難到  
只要掄時不放空

中州道中二首

驅車上中州旭景寒尙暝疎林結霜氣宿霧勞山影路  
轉得平曠阡陌遂井井機椿涸止輪轡汲冰在縵勤行

迫晚歲小憩爲幽境悵然有所思孤吟意方永

冬至白日速狂輪輾頽暮望望村舍遙林麓莽交互老  
樹棲鴉鳴深籠凍煙沍寒威脆肌骨雞栗生顙輔節序  
當閉藏二氣自膠固維鳥各有巢蟄蟲知墜戶余亦識  
所宜何爲在中路

岳麓碑

昔聞岫嶠神禹碑今見岳麓蚪蚪篆丹文綠字信奇絕  
昌黎誤索寧非舛楊來墨本太古色半帶烟霞半苔蘚  
體勢怪偉渾莫名書符道錄形模儼陰雲迸裂電天矯  
崩崖怒觸浪盤轉方圓流峙陋玉筋濃纖錯落啗金剪

魚龍火鳳是兮非  
垂蛇鳥跡想未遠  
憶昔昏墊警懷襄  
禹作司空帝所遣  
躬乘四載疏百川  
冀雍梁豫青徐交  
荆揚南服次第成  
手與洪波爭畎畝  
神聖自有神靈助  
挾江坐看黃牛喘  
宛委探藏穴得劍  
事類洛龜理難貶  
九山刊旅岳最尊  
衡陽應見瓊函顯  
七十二朶青芙蓉  
岳麓一峯稍回遠  
若禪梁父封岱宗  
豈必祝融號孤巒  
祇承千帝承其詞  
咨汝輔佐羅冠冕  
磨治巨石昭成功  
文章渾渾極奧衍  
摹勒宜屬共工鑄  
吉日定是羲和選  
鬼物搗訶千萬年  
置谷沉淵笑襄岷  
吁嗟滄海幾桑田  
唐虞剝簡無畫點  
岐陽十鼓剝缺多  
嶧山片碣行數鮮

詛楚石壁乃兒戲搜尋不憚陟幽險周秦遺事尚可珍  
何況席上陳瑚璉九鼎飛去碑獨存禹德遠矣吾爲緬  
孔子刪書總百篇坑焚以後日消滅伏生石室魯王宮  
古今目次紛詰辨經師授受遞譌謬俗儒句讀喜粗淺  
周書還餘汲冢編小正僅雜大戴卷遂使禹跡淹巖巖  
釋文訓義誰能闡碑文用韻似詩歌吾欲取之補謨典



賜綺堂集卷三詩目

文水龐一桂

士冠

招同耘圃游清源觀桃花登

馬鞍山歷香岩禮佛而歸二首

測石道中和耘圃作二首

固關

聞王鐵夫與儕儕天津應 詔同賜舉人喜而

賦此

燕南小詩五首

楊花篇

題陳筠樵白門倡和詩卷兼寄堯友子瀟二首

大游仙歌爲長白嵩雨韭 齡賦

重陽前四日偕張蕘友陳筠樵載酒陶然亭招  
孫鼎如言臯雲李石農顧蓉塘王耘圃蔣竹史  
施琴泉嵩懋堂陳笠帆言崑樵嵩雨韭同游四  
首

北閨聞報書家信後二首

耘圃歸省翟南招同臯雲蕘友竹史筠樵崑樵  
嵩齋餞飲卽用留別原韻二首

嵩齋雪夜寄陳筠樵

都門元日

題張堯友同年畫冊八首

山房讀書

醫閣覽秀

吳山觀湖

小孤雨泊

策蹇入關

太行立馬

秦淮夜讌

銅陵聽楓

哈密瓜

瑣瑣葡萄

堯友以陳老蓮所畫閨思圖乞題

題念豐蒲團小影四首

已春報罷將束裝南歸皐雲石農耘圃琴泉一  
桂笠帆蓉庵筠樵雨香岢樵仝餞余於易農書  
屋時雨悲亦有塞外之行同席賦此二首

留別睢陽客館呈大光祿蔣霽園先生

松蘿旅店題壁

花平館驛寄胡尚書

翔雲

兼示程雅宜同

下尚義

車中讀蘇文忠公集

謁孟子廟

舟次黃河口水急不得渡

到家五首

偶吟二首

四畝草堂柬友

西山寺

棉花十作詞

種

鉏

收

車

彈

紡

漿

經

刷

織

觀物書意二首

賜綺堂集卷三

吳苑 詹應甲 鱗飛

詩

文水麗一桂士冠招同耘圃游清源觀桃花登  
馬鞍山歷香岩禮佛而歸二首

停車易騎歷山根照眼春光欲斷魂一水浮花斜抱郭  
幾家種樹自成村招來野蝶香難覓飛上征鞍畫有痕  
輪與江南好風景湔裙打槩到柴門

岩空鎮日妙香生同向懸崖撒手行花雨不驚鸞鶴夢  
松風自捲薜蘿聲人從法界浮杯渡

山有詩到禪堂借  
杯泉

鉢賡只我心源如活水出山仍是在山清

測石道中和耘圃作二首

溪風山外來溪柳搖深碧山氣未成雨晴雲幾點白  
飲馬乘涼颺微陽在巾幘回頭見春山浮嵐淡無迹  
何當解衣坐科頭據磐石

沿溪不知遠中有屋數家炊煙背山塢舒卷如朝霞  
籬笆有斷續綠樹陰交加棠梨冑山桃紅白嬌作花  
老穉聚田畝雜作無喧嘩桔槔少停機往來聲呶啞  
細泉清可掬誰試風鑪茶

附原作

王宗 畧耘圃



朝策陟峻坂晚轡下層碧林木蒼深青雲巒曳淺白  
山氣淡鬚眉微風岸巾幘閱月異時候連年累踪跡  
豈必憚鞍馬素心愜泉石

峽裡有人事深樹藏田家栽柳漸成蔭種桃如晚霞  
蒼翠自相引紅白還交加布置有新致園林無豔花  
獨牧轉孤徑衆鳥時一嘩石牀走輓轡曲木聲呶呶  
安得謝塵鞅就試山中茶

固關

老樹鬱蒼蒼關門落日黃羣山控燕趙片石固金湯壁  
立飛猿鳥城歆警虎狼翻憐唐宋季此處重邊防

聞王鐵夫與儕儕天津應 詔同賜舉人喜而

賦此

禁中奏御早知名同聽嚙叶鳳鳴二子文章真伯仲  
十年延訪半公卿鄒枚老應車中聘潘左新馳洛下聲  
今日碧樓懷舊雨幾人山館共春明

燕南小詩五首

家住燕南楊柳村柳條短短<sub>孫</sub>愁根無端一夜風吹絮  
半化煙痕半雨痕

斜峯雙翦靄朝霞小字分明<sub>明</sub>若玉家曾上紅樓三易姓  
不知芳草在天涯

雙飛燕燕影差池一帶蘆簾隱竹籬  
開到出牆穠李樹  
去年鸚鵡喚茶時

半臂香風褪兩肩碧羅如水酒痕  
鶯微醺不敵春寒重  
背倚屏山換木棉

檀槽搯扁倚瓊簫一宿郵亭破寂寥  
料得隔花窺蝶夢  
故移燈影出簾燒

楊花篇

花風吹醒花枝眠惜花人與花同年  
捲簾問花花不語  
綠楊踈地花如煙濃煙一片春何處  
三尺長條七尺絮  
滿天晴雪點衣輕飛入離人夢中去  
離人夢覺怨關山

倒挂銅琶馬上彈西北樓高風峭峭短長亭遠月湯湯  
曉風殘月情難遣花外鶉聲啼宛轉正是春愁不解時  
柔腸都化游絲捲捲斷游絲剪斷愁春光依舊逐波流  
他生勿作浮萍死好綰同心結到頭

題陳筠樵白門倡和詩卷兼寄蕘友子瀟二首

隔江殘蘂雨瀟瀟

漁洋句

又曳秋聲戰柳條曲本盡翻南

北院詩題還記短長橋重尋幽夢三山杏不放香名六

代銷回首河梁舊時月年年流影送春潮

詩中多涉梁家河房舊事

百蜨羅裙化杜鵑

傷繫兒也

荷衣難裹淚珠圓簾鉤隱約橫

丁字箏柱悲涼絮子絃九曲清溪觴月地五更紅雨堊

花天可憐柳色飄零盡依舊風情嬌少年

大游仙歌爲長白嵩雨韭孝廉齡賦

星斗在手閭闔開水雲湧起金銀臺羽霓列坐聲喧阗  
碧桃樹下斟芳醕失手打碎白玉盃散爲香雨霏塵埃  
長白之山鬱崔嵬有美一人僊子才王喬張宴招我陪  
望之非璧非璫瑰精采煥發神皚皚咳吐珠玉兼諧談  
珊珊骨節承其肱收攝元氣何恢恢彼琚瓊璫難爲災  
動靜闔闔皆胚胎飛身跨上七尺隄倏忽變幻不可領  
游戲滄海歸蓬萊手執玉塵驅風雷雲梯萬丈通三台  
仙之人兮紛然來近卽一室遠八垓左招鶴子右龍媒

浮邱丈人背未鮀螳髮凝漆鬚髮鬢不日不月同嬰孩  
餐花嚼葉山之隈天漿倒瀉鮮凝卮一口吸盡尊彝罍  
碧城十二軒隄隄落英如雪飄成堆金支翠羽光徘徊  
虹梁蜿蜒空中摧環佩飛墮紅莓苔雲英徒立顧我咍  
錦裳百結蘇流綴蘭釵委墜鳳尾毵湘煙歛黛春含顰  
天香著衣誰與俱藍橋水流不復回相逢髣髴三生裴  
罡風不動纖塵塵瑤清小別循天陔珊瑚一樹手自栽  
七日不見如條枚琪花結子芳草萎千年鍊石石已灰  
士不作達韶光駘海山蒼蒼雪浪灌舉頭十五靈鰲撐  
我欲夢中從溯洄玻璃枕上天雞催

重陽前四日偕張薨友陳筠樵載酒陶然亭招  
孫用如言皋雲李石農顧容堂王耘圃蔣竹史  
施琴泉嵩懋堂陳笠帆言寄樵嵩兩韭同游四首  
游燕兩載敝貂裘回首南天望斗牛夢裡雲山如戀客  
日邊樓閣不知秋三關爽氣橫窻口一塔斜陽出樹頭  
我欲臨風弄長笛拍有何處問浮邱

虛亭面面拓飛甍倚遍危欄看放晴入室茶煙縈梵宇  
隔簾蘆雪捲江聲僧能酬客何妨俗酒不澆花分外清  
便少鄰翁相對飲陶然實主且情傾

莫怪王郎碎唾壺吾儕故態本狂奴由來北地多高會

未必西園勝此圖  
醉墨似鴉塗  
壁滿鄉書無鴈帶  
雪孤他年認取糟邱築  
重覓高陽舊酒徒

故園拋却菊花盃  
底事西風匹馬來  
自許蛾眉空楚國  
誰收駿骨上燕臺  
秋如老友難爲別  
詩到中年浪使才  
多少天涯淪落者  
暫時懷抱此間開

剛和作

言朝標臯雲

登高勸飲脫鶴裘  
座上商歌感鉢牛  
老輩篇章多賸事  
中年懷抱易驚秋  
荻成雪影花如掌  
樹引風聲葉打頭  
寄語高陽諸酒伴  
可能營此作糟邱

西爽朝來接畫甍  
捲簾秋意透新晴  
鳳盤雙闕千尋



勢雁去三關第幾聲買骨事爲燕地重知心談比晉  
人清王賢占盡東南美雅量應教合座傾  
痛飲能消酒百壺錦囊檢點付奚奴拚將采鞠東籬  
句共譜流觴出水圖晉楚燕吳朋盡盍文章氣誼德  
寧孤從教日下爭傳說指作疎狂嵇阮徒  
持螯自擘又持盃不放塵容此處來大有好山爲供  
養甘依名士作輿臺躍鱗雅羨新聞捷焦尾終應算  
不才此會得澆吾塊壘樊川笑口爲君開

陳聲和 筠樵

九月輕寒透敝裘驅車已倦駕青牛一尊舊雨兼新

雨萬里悲秋又送秋樹杪樓臺雲墜脚道傍蘆荻雪  
盈頭人生作達須行樂多少荒碑沒古邱

落霞結翠斂飛蕤看放西山一角晴白塔孤高分夕  
景黑窰蕭颯作秋聲遍邀詞客題先稱不挾歌伶會  
更清同是登臨餘感慨此生肝膽一時傾

興來且共引千壺歸計都虛萬木奴黃菊開筵仍故  
事青山荷插亦良圖人間姓氏傳難定海內文章詣  
肯孤嘆息英雄當未遇問誰不與酒爲徒

思鄉懷舊各啣盃感喟偏從讌賞來重器諸公珍石  
鼓輕裝愧我上金臺立身有品俱關學住世無情不

是才容得狂言拚盡醉青霞奇氣鬱纔開

言尚焜尚焜

登高輕騎稱輕裘光氣居然燭斗牛黃葉飄殘僧院  
冷青山環聳帝城秋名流具有無雙目勝地應居  
最上頭今日清游酬素願人間便是小蓬邱

四面飛霞結繡囊秋光澹沲勝春晴香分酒氣兼花  
氣風捲松聲與荻聲吟到空亭詩境曠坐來高閣俗  
緣清興酣淺量渾忘却自引壺觴對客傾

不須更擬訪蓬壺先乞閒身作佛奴平野嵐光橫匹  
練繞樓雲氣現浮圖問誰身價登龍近似我鄉心去

雁孤無數天涯秋客思一齊傾倒向朋徒  
菊影縱橫入酒盃小闌斜日透簾來碧拖殘樹霞明  
水葉度寒煙翠滴臺常恐勝遊能減福欲留新咏必  
驚才定知此會傳應遍又記西園圖畫開

附  
同作

王宗環 耘圃

陶然亭古高崔嵬飛甍倒截浮雲回聳身不覺登蓬  
萊驚看足下生樓臺造物結構妙剪裁特將煙霧籠  
輕座蒼茫不辨厓與隈蒹葭風雨爭喧逐故人招我  
具麴醅主客矯矯皆鄒枚大戴小戴經籍材長白戴  
懋堂雨  
非兄弟富  
於經籍言夫子裔文學魁言皋雲先生暨其  
從子尚樵在坐琴泉

骨格神仙胎有時風雅雜詠諧謔辭怪語衆所喧鼻

皺疑似啖酸梅大興施梨泉石農狀兒何髻髻仰頭

大笑手承頰靜樂李石農須笠帆白髮種種栽年

纔二十如耆鮐宛平陳笠年二十鱗飛詩力山可

摧山摧海立波倒洄珊瑚瑪瑙玫瑰鎔鍊鑪錫鑊

鑪鍾誠大手筆斯人哉是日湘亭出大遊仙筠樵側

耳心累猜樽前細語驚春雷昭文陳筠樵蕘友快口

真奇佻自鳴得意摩厥顯昭文張蕘孫公鼎俎列三

台門風不替猶秀才陽湖孫淵如誕江東顧氏人共

推獨坐不耐空徘徊太倉顧蓉塘於坐客高尻彭腹

立隄隗瞋目而視形羗邈誰其氏者三徑來

常熟蔣竹史豐

于嗟我南楚稱田儼輕車羸馬相追陪衆聲一舉傾

霜醅長川吸盡三百盃各以愛恩密倚俛闕然自倒  
如山隕雨脚漸斷煙霧開暉暉殘日罨庭槐人影參  
差散莓苔歸騎如雲紛踴躍人生聚合良有媒他年  
風雨思尊鼎寧使踪跡同塵埃

附同作

李鑒宣 石農

西山一髮青多々梵宇嶺嶺金雕嵌密雲將雨飄廉  
纖天風吹裂氷花衫蘆荻作陣秋氣函只少流水隨  
征帆同人置酒歌韶咸玉山雜坐鋪元城南語北語

相詰喃白汴紅乙爭恣饒十有四人心悅誠舉杯吾  
欲呼蓉崑笑爾培塿空慄僂忽然拇戰軍容嚴如掣  
猛虎藏枯杉拍手大笑人誰嫌坐中有客器不凡不  
羈之馬初脫銜桃花箋紙供鐫劖湘亭山遊仙詩示  
坐客耘圃紀事詩  
蓋先仿其體余  
又踵而成之順風而呼毋乃詎便欲一跨蓬萊巖  
爬背仙爪何摻摻三青之鳥爭相鵠歛攝鼉貝馴麝  
麝吁嗟哉人生聚散風中飄前日之日如蓬莢安得  
好手繪圖運筆同運鑱衰帙收入枕柳械他日重來  
廷視開雲緘指點此中真味相賞殊酸醎

北闌闌報書家信後二首

瀕年蹤跡嘆飄零幾度雲璈夢裡聽子舍晨昏虛故里

乙科得失定全經二場以五經試士肯教脫白衫猶濕

不信還丹藥果靈月殿雲階愁不到到來空惜髮星星

一例青袍許拜恩鳳稜雙闕霽朝瞰燕南鴈北皆同

諧王後盧前有定論逆旅貲裝勞父執蔣霽園先生中朝氣

節重師門房師張嘯崖先生士仲知己平生賦自檢陳編認淚

痕甲辰應名試賦題士仲知己已列一等進呈乃為當軸者所抑不得中翰於今又五年矣

耘圃歸省霍南招同臯雲薨友竹史筠樵哥樵

寓齊餞飲即用留別原韻二首

同作燕山客君行我未回勞心仍北望攜手憶西來樹



色將軍館風聲國士臺殷勤貽錦字付與并刀裁  
枯坐誰爲友歸求子有師離歌今夜短惜別隔年期古  
驛風煙斷寒山木葉知到家汾酒熟香及介眉時

附原作

王宗環 耘圃

茲遊未得意生計轉遲迴冉冉歲云暮行行歸去來  
孤鴻傳晉水匹馬發燕臺豈不歎離索客愁誰與裁  
結好如兄弟憐才亦我師忽經千里別又是一年期  
聚散應無定音書或可知行當各努力逮此黑頭時

寓齋雪夜寄陳筠樵

萬籟凍不喧寒光薄書幌時聞枯竹聲淅瀝弄清響瑟

如秋雨來急點鳴菰蔣披衣視簷隙雪花大如掌呼童  
燒寸燭高歌發慨慷床頭傾濁醪邈焉思疇曩嗟余昔  
行役西來山色莽太霍高插天羣峰俯而仰飛霰迴陰  
崖愁雲翳朝爽冰寒馬足僵戰慄不能上上有路千盤  
下臨壑萬丈是時神志凝悚然屏諸想何暇計田家六  
花兆豐穰端居懷舊遊至今心怏怏元龍本豪士超脫  
出塵網讀書維摩峰人如玉山朗渴來長安市勞形日  
擾攘旅館風淒其虛室軒以厰青燈逼歲闌布被兩頭  
襁幸有同心言謂奇孤芳共忻賞敲詩耐歲寒得句搔  
奇痒人生縱作達出門意殊惘西山在林表同買屐幾

兩天明欵荆扉踏雪會相訪

都門元日

一飯天涯也夙緣悠悠三十到今年慶新但有絲添髻  
團拜相邀齒並肩怕踏軟塵懷賀帖還呵凍筆寫吟箋  
遙知九陌春如海馬上金貂挂玉鞭

題張堯友同年畫冊八首

湖海歸來賦索居百城南面樂何如君身親到卿孃地  
不讀人間未見書

山房讀書

天際浮嵐酒色濃關門萬丈氣如龍吟餘未覺邊山曉  
疑在維摩第幾峰

蜀閭覽秀

極浦風迴鐵箭鳴，怒濤直下海門平。  
凝眸不敢登高頂，怕有靈胥水底驚。  
吳山觀潮

濕雲無際隔潯陽，一點螺峰接混茫。  
聽到蓬聲最淒處，可曾題字寄彭郎。  
小孤雨泊

天劃長城一線通，戍樓人語亂雲中。  
疲驢莫怪詩囊重，寫入山河兩界雄。  
策蹇入關

雲山莽莽到西安，絕頂登臨縱轡看。  
更莫着鞭窮馬力，上山平易下山難。  
太行立馬

博得愁心付玉簫，河梁人影去迢迢。  
橫雲一片飛何處，猶自逢人說板橋。  
秦淮夜譙

酒帘風影落寒江  
殘葉聲聲打客艚  
似石琴溪歸棹晚  
二絃紅月壓蓬窓  
銅陵聽風 乙巳冬蕘友邀余與荻香筠樵至吾谷觀楓葉歸而蕘舟尚  
湖風景與此圖髣髴

### 哈密瓜

游牧資農圃伊吾  
記食瓜伊吾縣卽古哈密衛蔓生西極地種異  
故侯家落實陰山  
雪含瓢熟海霞青  
鹽勞結味削處自  
流沙

### 瑣瑣葡萄

奇絕張騫使蒲梢  
十丈高但聞歸馬乳  
不復辨牛毛小  
摘霏紅豆微醺釀  
綠醪至今西域產  
錫貢致包茅

見系生集  
蕘友以陳老蓮所畫閨思圖乞題

蘭膏委墜香雲盤  
髻鴉拖頸拋團藥  
燕釵沈沈不墮地  
低頭欲語雙眸寒  
晚妝慵卸粉痕熱  
衣剪鯨綃袖迴雪  
瘦腰無力嬌春風  
寫入花枝一圍折  
永紈停翻素魄圓  
侵堦草濕鞦韆紋  
鶯丁字欄空月無  
影辛夷樹老人如  
煙含情未拾漢皋  
翠賦出陳王便嫵  
媚煩君妙手抽丹  
豪更畫長蛾遠山  
醉

題念豐蒲團小影四首

不信情緣誤道緣  
塵勞滾滾幾時捐  
飯依便向蒲團住  
小別靈山已卅年

香從鼻觀得真聞煩惱全消念不紛  
只有才名難懺去無心飛作妙鬚雲

食芋何須問懶殘功名容易慧心難  
鹿園他日同參學

案上楞嚴并不看

謂龐一桂

八功德水五雲漿靜裡修持卽道場  
我若與君忝妙相不妨花下置禪牀

已春報罷將束裝南歸臯雲石農耘圃琴泉一  
桂笠帆蓉庵筠樵雨香岢樵全餞余於易農書  
屋時雨韭亦有塞外之行同席賦此二首

柳絲飛盡玉河斜收拾窮愁載滿車  
雅曲何曾登北鄙

僻書應悔讀南華鴈聲山海三關月鶴夢江城一遶花

榜上故人多得意湯將淪落訴天涯

謂皋雲秋曹  
梁泉吉士

酒徒星散去南天依舊心情繫日邊那得金丹成九轉

更須玉楮刻三年

余與石農一桂笠  
帆雨韭同被放還

還山肯讓他人後

終局難爭此著先懸盼茱萸佳會裡好風將信五湖煙

松岡與諸君同  
留應京兆試

附贈行詩

王循耘圃

落梅風老槐花雨枝上聲聲叫杜宇芳信聽殘燕市  
春鄉心擲碎吳門槽雲泥一夜泣同袍馬首相逢笑  
鼓刀幾見仙廚烹玉鯉誰聞滄海釣神鰲泥金報字



驚雷吼半肩行李蒼苔走屐齒遙尋蔣徑三杖頭先  
挂齊煙九紅蓮香引一帆遲犬吠花村人到時高堂  
拜起重含乳小閣垂簾又畫眉古帖奇書澹清畫名  
心漸老詩情瘦一竿斜影坐鱸鄉十里輕煙泛鶯脰  
知子江湖眷魏闕文章未免由中熱重來共對菊花  
秋莫向樓頭聽飛雪

龐士冠一桂

一自隨征馬三年着旅衣居人懷遠道遊子戀春暉  
行李將焉往先生賦曰歸無須輕一第卽此慰庭闈  
識君於晉水別我自燕臺路輓雙輪緩帆縣五兩催

鄉風知井里舊雨憶尊罍曲水春鱗綠遙看鼓柁來

李璽宣 石農

藤花半落榴花紅主人招我東閣東酒酣耳熱發大  
笑左右顧盼生清風天地空濶我爲宅不知人世多  
樊籠今日飲酒明日別誰其別者詹與詩雨韭此行  
一月耳猶覺暫別心忡忡布帆南下况詹子相見直  
待春光融行矣強飮勿我念近別遠別將毋同憶昨  
登高初把臂相馬冀北凡馬空手出一卷便驚絕排  
衆氣欲摩蒼穹老筆生硬轉斌媚嶄嶄之刃藏其鋒  
有時怒也如攫象有時矯也如當熊於胥尊酒托末

契女羅薦薦緣長松我年三十尙貧賤素衣化緇悲  
途窮一言骯髒與衆忤口排吻擊聾兒童邇來兀坐  
期自省臧否何暇爭雞蟲煩君青眼日相待盲者得  
相覺得筇人生妍醜不自照顧以皮骨勞青銅豈知  
聚散本無定君且別我歸吳中兼之兩韭亦東去遇  
我有過憑誰攻山海關前海水立楊子江上江流淙  
或載征輶或理掉煙雲過眼疑轉蓬秋來蓴菜鱸魚  
膾得句幸附南飛鴻

陳聲和筠樵

客中送客緒茫茫况送君歸又故鄉禁住臨歧兩行

見糸堂集  
淚酒痕如雨也沾裳

珍重高堂鬢已絲斑衣歸捧介眉卮合歡栽罷晨昏  
畢好種宜男草一枝

海棠艇子泊灣頭往事空華憶尙愁肯被綠楊輕綰  
住又尋殘夢到紅樓

盛年心事半蹉跎回首天涯感慨多沈趙相逢同問  
訊名山著錄近如何

此行第一勸加餐吹落梅花五月寒我望白雲飛處  
遠只勞君與報平安

言尙燁 雨香

三千里外同爲客握手臨歧喚奈何芳草欲迷南北  
路離尊相送短長歌驚才海內如君少別緒天涯是  
我多一自素心人去後問誰風雨亦來過

結契長安盡少年吟壇文酒任流連曳裾笑挾朱門  
惡盡壁爭傳白下篇獲雋已看從隗始論名端肯讓

王前

鐵夫先應  
試賜舉人

名念念行李歸期促小別中懷也

愴然

頻年踏遍軟紅塵湖海豪情重此人曾上三書驚列  
宰暫將一第慰雙親征袍脫後斑衣燦遊草吟成綵  
筆新振觸旅懷銷不得過庭羨爾奉晨昏

今朝飲餞出燕關楊柳陰濃未忍攀已卜到時風力  
便漫愁別後酒緣慳鞭絲帽影三更月薊北江南萬  
疊山後會好隨春信至馬蹄得意度花間

留別睢陽客館呈大光祿蔣霽園先生

歸期算到者番真未聽驪歌已悵神此去望雲同絕頂  
再來立雪定前因驢悲伏櫪非關老燕爲辭巢更戀人  
珍重贈行無長物朝回幾度典衣頻

松蘿旅店題壁

也抵郵亭一夜眠瑣窓深話總因緣招來蛺蝶無雙譜  
彈破琵琶第四絃蘭蕙有心應泣露松蘿無夢亦生煙

京宵依舊河橋月流照關山客思邊

荏平館驛寄胡黃海太學

翔雲

兼示程雅宜同

年

尚義

黃山之雲浩如海飛入筆端散成采長安故人多譽之  
酒後談詩遇僊鬼券驢先我出國門欲登泰岱探雲根  
驢行萬首壓裝重壯哉下第誇劉蕡再上春官我報罷  
君尙停驂僑厓下同作江湖飄泊人老畫蛾眉女不嫁  
南去雙輪如水流歸心盼到吳宮秋留髡燭下戒飲酒  
東道無煩東諸侯

車中讀蘇文忠公集

竄謫半生事詩文千古傳大才天亦忌何況欲人憐

調孟子廟

廟柏鬱森天遺容自浩然有泉思力掘無址問頻遷事  
業承三聖文章著七篇我來肅瞻拜寧不愧希賢

舟次黃河口水急不得渡

落日下危檣黃流接混茫人聲如水湧河勢挾天長堤  
曲千艘集風高萬弩強南行期又阻愁絕駕餘艍

到家五首

暫別鄉園便憶家馬蹄今始返天涯曾求月窟長生葯  
未看天街及第花堂北望雲親健飯窓西話雨婦烹茶



嬌癡弟妹驚相顧細數愁絲兩鬢加

對牀風雨記當初諸季殷勤問起居

漢喬十弟

千里未曾邀

一顧四年知不負三餘慚余方欲謀家食似爾真能讀  
父書難得宵深姜被暖小窻分課到蟲魚

幾度牽蘿自補茅杜陵老屋已全拋閉門堅守庚申日  
拓地新營戊巳巢窺戶月來花影寫出檐風響竹枝敲  
比鄰鵝鴨真無惱近隔牆頭送酒肴

高陽酒伴許追懽依舊豪情奮羽翰歷下亭荒雙屐折

芝初陽齋小一瓊寒

黃鱖

張衡賦比雞林貴趙嘏書從鴈

塞看

謂南溪約亭

今日還山同握臂春風不復夢長安

纔卸歸裝又束裝下場觀備看登場旗門曉漏呼名急  
棘院西風刻燭長楮葉三年容我拙槐花八月送人忙  
白門秋柳應相識疎影蕭蕭剩幾行

偶吟二首

良馬無蹠性一縱千里馳非爲表汗血將以報所知功  
成謝廣漠放跡任不羈倘今日蹠踐翻爲駑下嗤  
登山歷景象縱眺凌層梯升高目漸遠幽奧良易窺顧  
彼羣微處指笑登頓疲下與語所見一一皆驚疑况乃  
山下人煙雲更淒迷

四畝草堂柬友

我家四畝田，栽花如栽稼。中有花疎處，結茅爲屋舍。牆  
低聞燕鶯，樓高見桑柘。橫琴花半牀，翻書花滿架。荷鋤  
起朝曦，灌泉待清夜。數過廿四風，梅黃日多暇。比鄰老  
花農，招來話花下。花露釀新醅，頗勝村酒貰。莫負好花  
時期，君一枉駕。

### 西山寺

沿溪不知遠，谷口便停車。竹引流泉逆，松承小閣虛。山  
容同佛古，人影比花疎。試問支公鶴，何年返舊廬。

### 棉花十作詞

種

高田翻削土磷黃四月清和下子忙雨過苗成青蝶翅

經旬暖日看枝長

轉土爲翻鋪勻爲  
削磷音鄰土壟也

鋤

時入黃梅草易生下田女伴趁天晴練來腕力行鋤活  
野綠旋刪不礙莖

收

秋綻青鈴吐雪團女娘爭捉顧裙襴共言今歲花瓢大

曬處須添幾桁竿

顧取花瓢爲提俗  
音囊桁音杭去聲

軋

鐵軸搖車細響聞雲衣可子雨邊分衣穰子小村姑喜

未到三斤淨一斤

花瓢去子名花衣亦曰淨花帶子三斤出衣一斤者爲佳

彈

弦弓釣竹淨鋪場先恐風飄閉曲房  
挺擊幾回清響罷

細茸堆起一簾霜

簾竹繫繩掛彈花弓形如垂釣故名釣竹彈場下鋪蘆簾湔去埃屑

紡

搓就綿條玉管圓筵尖曳縷應輪旋  
手搖脚踏聲相和

鄰婦程工賭不眠

筵音亭紡具也有木筵鐵筵手車用一腳車用三

漿

剋漿漬染紡縷俗曰漿紗

厚車絡出一腔腔漬上橫竿掛柳椿絞將乍勻寒日晚

搖筒土壁置燈缸

木車絡縷俗曰屏紗小竹筒長數寸搖紗其上謂之筒子

經

竹架橫旋廿四筒往來縈繞列釘中雙筴界出條條析

一筴勻穿縷縷通

筴音冠削竹排  
編所以析縷

刷

經後  
上漿

枳籬門外路寬平扛帚和漿只順行梳理旋盤機軸上  
收場每到晚鴉鳴

織

盤成卷軸便登機綜葉交分一杼飛全匹賣充官限稅  
機梢留得織寒衣

觀物書意二首

大地秀羣木所稟各有天得時改容艷衰落形蕭然異  
哉巖上松賦性獨貞堅體高秀而直色古青且元清音  
宜近賞竒致足遠觀春風不加麗乃能經歲寒材大詎  
無用放逸良所安千載鶴飛去乘雲入天關

不能爲喬木豈可作蘿葛綿力欲凌雲宛轉良不少高  
處多天風中斷忽枯槁當爲空谷蘭託根異百草含苞  
吐冰霜葉葉自完好俛仰不因人永無樛葛擾與之較  
麗色碧玉亦可寶與之較貞姿巨值有衰老